



Home > BERNART DE VENTADORN > EDIZIONE > Quan par la flors iostal uert foill > Tradizione manoscritta > CANZONIERE a¹ > Edizione diplomatica

Edizione diplomatica



bernartz del uentador.
Quant par la flors iostal uert foill. e uei lo temps
clar esere. lo douz chantz dels auzels pel broil. ma douza
lo cor em reue. cant lauzel canton a lur (t)or. eu cai pl(us)
de ioi e mon cor. dei ben chantar pos tuit li mieu iornal
son ioi echant cieu non penz de ren al.



Cela del mon qe plus ueeil. cui am de bon cor e de fe
au ben mon pretz e lo acueil. e lescouta e lo rete cora
qem fos damor aillor. de lai soi ben uengutz al cor. mer
ces domna nom ai par (ni)egal. res no(n) suffraing sol qe
dieus uos mi sal.

Image not found

<https://letteraturaeuropea.let.uniroma1.it/?q=sites/default/files/styles/661/public/a1%20%285%29.png&itok=15Zuu8Oy>

Tals nia qe an mais do(r)geil. cant grantz bes ni granz
iois lur ue. mas eu sos de melior escueil. e plus francs
can dieu mi fa be. do(n)na p(er) qieu chant em demor.
p(er) la bocham metetz al cor. un doutz baisar de (f)in
amor coral. qem meten loi en get lira mortal.

Image not found

<https://letteraturaeuropea.let.uniroma1.it/?q=sites/default/files/styles/661/public/a1%20%286%29.png&itok=dHDzUmnQ>

Ben (s)ai lanueg ca(n)t mi despoil. el leig queu noi dormi
rai re. lo dormir perd car eu lom toil. p(er) uos do(n)na don
mi soue. car lai on hom a son tesor. uolom ades tener son
cors per (u)os o dic do(n)na de cui me cal. neguns uesers
mo(m) bon pensar nom ual.

Image not found

<https://letteraturaeuropea.let.uniroma1.it/?q=sites/default/files/styles/661/public/a1%20%287%29.png&itok=CLg7uVhr>

Donna si nous uezon mei ueil. ben sapchatz qe mos cors
uos ue. enous doilliatz si tot mi dueil. queu (s)ai com uos
destrenh p(er) me. e sil gelos uos bat del for. gardatz quel
no uos batal cor. seu fa enoi e uos ailui atretal. ni
ia ab uos non gazaing ren p(er) mal.

Image not found

<https://letteraturaeuropaea.let.uniroma1.it/?q=sites/default/files/styles/661/public/a1%20%288%29.png&itok=m1mZk-h5>

Cant mi membra cui amar soil. la falsa de mala
merce. beus dic qe fals ira macoil. qe p(er) pauc de ioi
non recre. si ia hom p(er) ben amar mor. eu men morrai
qe dinz mon cor li port amor. tan (f)in enatural.
que (t)ug son fals uas me li plus leial.

Image not found

<https://letteraturaeuropaea.let.uniroma1.it/?q=sites/default/files/styles/661/public/a1%20%289%29.png&itok=VJsZUXrJ>

Sal dieus mi donz. emon bel uezer sal. tot ai qant uoil
qe nom deman ren al.

Mon bel uezer gard dieus dir e de mal. sieil soi de loin
e de pres autretal.

- letto 376 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropaea.let.uniroma1.it/?q=laboratorio/edizione-diplomatica-1994>